

**Lvdovici Molinæ, E Societate Iesv Theologiæ Doctoris, &
Professoris, Commentaria, In primam D. Thomæ partem**

Molina, Luis de

Lugduni, 1622

In quo posita sit difficultas explicatur, & prima ea de re sententia
explicatur. membrum 1.

[urn:nbn:de:hbz:466:1-73915](#)

DISPV TATIO XIX.

De viribus liberi arbitrij cum solo concurso generali ad non succumbendum in quocumque temporis momento grauius temptationibus, & ad singula alia difficultia mere naturalia superanda.

QVæ dicta sunt, non solum tribus disputationibus precedentibus, sed etiam disputatione 5. 14. & aliis, postulant examen propositorum difficultatis: quam idcirco in hunc locum discutiendam reliquimus, qui plenior illius intelligentia collatione indigebat virium liberi arbitrij in quocumque temporis momento cum viribus eiusdem ad legem universam, illiusque partes temporis cursus impletandas, hoc est ad perfuerandum in bono naturali. Ut vero dilucidior ac planior sit disputatio, in aliquot membra erit distribuenda.

MEMBRVM I.

In quo posita sit difficultas explicatur, & prima ea de re sententia refertur.

RIBVS disputationibus precedentibus ostensum est, non esse vires in nostro arbitrio cum solo concurso Dei generali ad vincendas temptationes & difficultates, quas, ut serueretur per longum temporis spatium, non solum tota lex naturalis, sed etiam eiusdem pars notabiliter continens difficultatem necesse est vincere. Quod vero nunc disputamus est, an interim dum iudicium rationis non absorbetur, maneat nihilominus in eodem arbitrio cum solo concurso generali Dei libertas ad non consentendas in quocumque temporis momento cuiuscumque graui temptationi, & ad superandam quamcumque magnam difficultatem, quam pro seruanda in eo solo instanti lege naturali necessaria est vincere, etiam si ea de causa mors sit toleranda, ita videlicet, ut si consentiat, peccet, eò quod secluso quamcumque alio maiori auxilio in potestate ipsius, tametsi non sine ingenti difficultate, positum sit non transgredi tunc legem: an vero maneat in eo euentu libertas, ac proinde cito sciens & prudens transgredietur legem, non peccet, quia in potestate ipsius non est eam tunc non transgredi. Ut enim primo retract. cap. 9. Augustinus est auctor, malum quod caueri non potest, peccatum non est, malum vero quod caueri potest, peccatum est. Et in libro de duabus animabus cap. 12. Peccati, inquit, resum tenui quemquam, quianos feci, quod facere non potuit. summa iniuria & infamie est.

In partem negantem huius difficultatis, nempe non manere libertatem in eo euentu, citare quis forte posset Gregorium Ariminensem in primo dist. 1. q. 2. artic. 2. in responsione ad tertiam quamdam probationem contra secundam conclusionem, ut Caietanus & alij 1. 2. q. 10. art. 3. eum citant, eò quod eo in loco hæc sint Gregorij verba: *Ad tertiam probationem dico primo, quod non omnem actum volendi voluntas elicit voluntarie, id est, liberè libertate contradictionis, quia non datum nolendi, qui sequitur experientiam alicuius intenti sensibilis latini. Unde non potest quod aliquis absque miraculo posset vivi ab igne, & non dolore, & per consequens nolle nolitione deliberata, & talis tristitia non tristari. Hac ille. Ut tamen ad eundem D. Thomæ articulum dicebamus, si res recte expendatur, nihil cum doctrina D. Thomæ eo in loco*

Molina in D. Thom.

A(quam membro sequenti referemus) pugnat. Et enim Gregorius arbitratur, nolitionem voluntatis esse actum, & lætitiam seu gaudium esse actum volitionis: cum tamen non sint nisi affectus, & motus, qui in voluntate resultant ex notitia objecti nocti præsentis aut imminentis, vel objecti conuenientis, quod adest aut speratur. Nominis ergo nolitionis tristitia intelligens, ait, se credere fieri non posse sine miraculo, ut quis igne vratur, & non dolet, & per consequens nolit, odiisque prosequatur se viti, nomine eiusmodi nolitionis & odij tristitiam ipsam intelligens. Scatim vero subiungit, cumdem hominem manere liberum ad nolitionem deliberatam combustionis, sumpta nolitione vt ab aliis Doctoribus confutetur sumi, ac proinde posse illam elicere, & non elicere. Quamvis autem tristitia ex Augustino sit de his, quæ nobis nolentibus accidunt, vnde si libertas fit ad elicendam & non elicendam nolitionem combustionis, sequi videtur esse etiam libertatem ad actum tristitiae, qui nolitionem consequitur: nihilominus vt Scotus in 3. d. 15. q. vñica, art. 1. recte ad tristitia satis est nolitionis eius, sed satis est nolentias conditio rei unde quis tristatur, vellet non esse, nisi vel ad consequendam beatitudinem, vel ad quemcumque alium finem, quem si bi proponeret voluntas, ellet necessarium, vt in propriece merces in mare est manifestum, qui cum præceptionem velit voluntate absoluta, de ea tamē tristatur, quatenus eamdem nollet, si ad vitam tuendam non esset necessaria. Quin, vt tristitia in voluntate resultet, satis est apprehensione præsentis objecti disconuenientis in se, quamvis alia ratione conueniens iudicetur, voluntariaque illud per absolutam volitionem amplectatur.

D Maiori cum probabilitate citari potest huius sententia auctor Andreas à Vega de iustificatione & gratia q. 12. & sequentibus, vbi affirmat, vires liberi arbitrii in statu naturæ corrupte cum solo concurso Dei generali neque ad difficiles temptationes superandas se extendere, neque ad præstandum quocumque aliud opus moraliter bonum, quod difficultatem continet. Adhuc exempla, vt si profunda sit aliqua religio, si magna aliqua à cibo abstinentia perferenda, si copiosa eleemosyna elargienda, aut quid siud simile, vel difficultas sit faciendum. Vires vero liberi arbitrii cum concurso Dei generali solum sufficietes esse at ad superandas eas temptationes, easque actiones studiolas præstandas, quæ nullius aut per exigua sunt difficultatis, cuiusmodi, inquit, sunt comedere, bibere, dormire, orare, facere opera seruilia, reddere vxori debitum, decenter nos inducere, & similia. Vtrum autem si occurrente difficulti aliqua temptatione, aut laboriosa alia obseruatione præcepti obligantis sub culpa lethali, Deus relinqueret liberum arbitrium cum solo generali concurso, arbitrium consentiendo temptationi, & transgrediendo præceptum peccarer? Vega in quadam questione sequenti partem negantem innuere videtur, ex capite impotentia tunc adimplendum tale præceptum, cito sufficiens cognitio esset in intellectu, neque ex capite ignorantiae ea transgressio excusaretur à culpa.

In eadem sententia videtur esse aperte Bartholomæus Medina, non solum dum, loco disputatione 14. citato, affirmat, peccatorem cum solo concurso Dei generali, etiam si nulla tentatio, nullaque peccandi occasio occurrat, non posse elicere actum absolutum naturalis dilectionis Dei super omnia, propositumve absolutum non transgrediendi præcepta

Rer 3 legis

legis naturalis sub culpa lethali obligantis , tametsi possit vellicitatem quaest. dam elicere , sed multò magis prima secundæ q. 10. artic. 3. vbi doctrina , qua D. Thomas eo loco assertit , passionem , quantumcumque accrefcat , interim dum iudicium rationis non absorbet , necessitate non posse voluntatem ad consensum : excipit ipse , nisi tentatio sit vehementis , liberumque arbitrium cum solo generali Dei concursu relinquatur : tunc enim necessitate illam arbitratur , & consequenter dicere tenetur non peccare , esto illi consentiat .

Ex auctoribus , quos haec tenus legi , non recordor alium , qui in hac sit sententia . Nec possum non vehementer mirari , Andream à Vega non solum affuerat eam esse communem in scholis , sed etiam autores illius citare , Magistrum , D. Thomam , Durandum , Scotum & Gabrielem : cum tamen in locis , in quibus ab eo citantur , nihil tale affirmant , apertissimumque sit D. Thomam in contraria esse sententia , ut membro sequenti erit manifestum . Durandum verò , Scotum , & Gabrielem vlsque adeò in oppositam partem inclinare , vt ipfammer hæresim Pelagianam , absque villa pro ratione illorum temporum culpa , sequi videantur , dum in secundo distin. 28. vbi à Vega citantur , affuerunt , hominem naturæ lapsæ suis viribus naturalibus absque auxilio gratia feruare posse præcepta omnia , contineréque se non solum à singulis , sed etiam ab omnibus lethalibus peccatis ad longum tempus , quamvis difficulti negotio id possit efficiere .

M E M B R V M II.

Secunda de eadem re sententia refertur .

PARTEM affirmantem propositæ difficultatis , nempe orta quacumque graui tentatione aut difficultate , quæ humanam sollicitet ac inclinet voluntatem ad præcepti transgressionem , manere in nomine naturæ lapsæ cum solo concursu generali Dei libertatem , interim dum iudicium rationis non absorbetur , ad non transgredivendum in quocumque temporis momento tale præceptum , ac proinde peccare si illud transgrediatur , sequuntur aperte & sine villa obscuritate , in primis D. Thomas , & cum eo Caietanus prima secundæ q. 10. art. 2. & 3. Disputans namque D. Thomas in ea quæstione de voluntate in suis solis viribus naturalibus cum solo concursu Dei generali absq; aliò auxilio spectata , art. 2. docet , à nulla omnino obiecto necessarii posse quoad actus exercitium , sed semper manere liberam ut eliciat , aut non eliciat actum . Loquitur verò in hac vita , siquidem de ea in suis viribus spectata est illi in eo articulo fermo . Articulo verò tertio docet , à nulla omnino passione , atque adeò nec à timore mortis imminentis posse necessarii , interim dum iudicium rationis omnino non absorbetur . Quoniam passio mouet , illicitve voluntatem , tamquam obiectum , per notitiam intellectus , quæ de illa habetur , & de obiecto quod illam concitat , quandoquidem nihil corporeum potest immediate mouere voluntatem , sed solum per notitiam intellectus : at verò nullum obiectum cognitum , ut præcedente art. ostenderat , potest in hac vita necessitate voluntatem , interim dum iudicium non ita obtenebratur perturbatione phantasie , ut omnino absorbeatur , quamdiu enim in intellectu iudicium aliqua ex parte liberum manet , tantiū in voluntate sua innata libertas perseverat . Vnde ibidem in responsione ad secundum , Ali-

A quando , inquit D. Thomas , & si ratio obnubilatur à passione , remanet tamen aliquid rationis liberum , & secundum hoc potest aliquis , vel totaliter passionem repellere , vel saltem se continere ne passionem sequatur .

Et Caietanus eodem art. 3. præter alia ait : Circa tertij articuli doctrinam aduertere , quod inde habes , quæ liberum sit , tam in delectabilibus , quam in contrariis secundum tactum , velle & nolle . Passiones enim huiusmodi , aut totaliter absorbent rationem , & sic nihil voluntatis restat , aut aliquid eius relinquent . & sic libertatis tantumdem dimituntur . Et quamus tunc proprie dispositionem subiecti voluntas maximè inclinet ad actionem consonum appetitiu sensitivo , quia tamen libera restat miraculo non est opus ad non eliciendum eiusmodi actionem , ut Gregorius de Ariminio in primo sent. dist. 1. q. 2. art. 2. putauit . Haec tenus Caietanus . Neque credo in contraria esse sententia sectatores reliquos Diui Thomæ , si Medinam excipias .

Eadem sententiam sequitur idem D. Thomas eadem prima secundæ quæst. 109. art. 8. & 9. dum docet , hominem in statu nature lapsæ suis viribus naturalibus vitare posse singula lethalia peccata , quemadmodum seruare præceptum quocumque legis naturalis in quocumque eventu ad longum tamen tempus vitare non posse peccata omnia lethalia . Quæ verba affert & expedit Sotus 1. de natura & gratia cap. 22. conclusione 4. & 5. ad probandam sententiam , quam D. Thomam sequi affirmamus .

Anselmus quoque , doctrinæ Augustini sectator magnus , in eadem absque vlo dubio est sen. ad refuta tentia , in libro de libero arbitrio cap. 6. 7. 9. & 10. Et in libro de concordia præscientiæ , prædilectionis & gratiæ cum libero arbitrio cap. 1. Quibus in locis docet , dum iudicium rationis non absorbetur , nullam passionem quantumvis vehementer , nul- lámque difficultatem auferre posse libertatem voluntatis ad non consentiendum , illive necessitatem inferre , cäque de causa , in quocumque temporis momento consentiat præcepti transgressioni , peccare . Adhibensque exemplum in eo , cui mors immineret , nisi consentiret mendacio , docet : impotentiam ad resistendum tentationi , quam , quo grauior est tentatio , eo maiorem in nobis experimur , non esse aliud , quam difficultatem perseverandi in rectitudine : difficultatem verò , quantumvis ea accrescat , non auferre à voluntate potestatem perseverandi in rectitudine , verum semper manere liberum , ut si velit , non succumbat . Nelicet quid aperi- tivi dici potuit , & conuenientius cum communil. Theologorum pronuntiatio , Infrā Deum clari- visum , propter obiecti infinitatem , nihil omnino necessari posse voluntatem quoad actus exercitium .

Præter Durandum , Scotum , & Gabrielem quos , ut membro prædicto relatum est , negare nemo potest esse in hac sententia , maximè cum Scotus in primo dist. 1. quæst. 4. & in quarto dist. 49. q. 9. affueret , neque Deum clarè visum necessitatem afferre posse voluntati quoad actus exercitium) in eadem sententia est Sotus primo de natura & gratia cap. 22. conclusione 2. quo loco affirmit : hominem naturæ lapsæ posse implere quocumque genus præcepti quoad substantiam : non tamen posse implere omnia , id est , non posse diu stare , quin decidat , nisi Deus peculiare ferat auxilium . Hec ille . Et sub finem capituli corol. 2. & 4. ait : Nullum prorsus actum unum singularem esse in vivo info , cui similitus quoad substantiam actus , non posse esse in eo , qui caret graia . Ex antecedentibus verò & sequentibus constat , eum intelligendum esse de homine ex suis